



CELEBERRIMÆ SCIENTIARUM
ACADEMIÆ PARISIENSI,

DEDICAT, VOVET, ET OFFERT

OBSEQUENTISSIMUS J. F. C. MORAND, S. F. M. P. B.

QUÆSTIO MEDICA,

QUODLIBETARIIS DISPUTATIONIBUS

*manè discutienda in Scholis Medicorum, die Jovis decimo-
tertio mensis Novembris, anno M. DCC. XLIX.*

M. JOSEPHO - EXUPERIO BERTIN,
Supremi Valachiae & Moldaviae Principis Medico ordinario,
& Regiae Scientiarum Academiae Socio veterano, Doctore
Medico, Praefide.

An specificum Viperae morsus Antidotum, Alkali volatile?

I.



VENENA, Græcis τοξίνα, φάρμακα etiam, sed
deleteria, ea omnia non immerito dixeris, quæ
sub parvâ mole, vel intus assumpta, vel extus ap-
plicata, naturalem corporis statum, brevi nunc,
nunc tardius destruunt. Triplex venenorum genus
pro triplici naturæ regno. Quæ vegetabili ortum debent, ob ro-

A

dentem vel *causticam* indolem, ut Aconitum, aliaque plura, vel ob vim inspissantem, narcoticamve, noxia deprehenduntur. Ex mineralibus venena, acidæ plerumque sunt indolis. Quæ ex animalibus depromuntur, valdè subtilia sunt, & morfu vel puncturâ potissimum irrepunt; hinc promptius per varias partis læsæ contractiones, vascula minima, indè massam sanguineam permeant. Quid igitur mirum, si spiritibus animalibus permixta materies venenosa, fibrillas nerveas dolorificè admodum pungat, convulsiones à vividiori, & inordinato spirituum motu, citius excitet, omnes humores inficiantur, totumque corpus contagione labefactetur? Cujuslibet veneni non eadem est sævitia, non idem malignitatis gradus; alia magis, alia minùs sæviunt. Ut diversa est partium corporis structura, sic pro diverso pariter subjectorum habitu discrepant venena; quàm multiplex ac diversa latentium humorum conditio, tam dissimilis indè exorientium symptomatum ratio. Non omnes æquè vehementer eodem veneno afficiuntur, quidam leviùs, violentiùs quidam, quidam citius, tardiùs quidam. Inter animalium venena, non infimum obtinet locum Viperæ venenum, cujus etiam non eadem est in omnibus Viperis, & corporibus, energia, non eadem in omnibus Regionibus, calidioribus, frigidioribusvè sævitia; imò etiam, ex pluribus Physicis, pro animalis, plùs vel minùs irati, mole, colore, & sexu, varios fortitur eventus Viperæ morsus. Non ergò omni fidas remedio, sed specificum quasi habeas, illud, quod tutissimo, citissimo, minùsque injucundo donabitur effectu.

I. I.

INTER veneniferos Serpentes, Viperæ, cui vivi quos parit foetus suum dederunt nomen, *animal est in totum perniciosissimum*, inquit; *Amatus Lusitanus*. In Hieroglyphicis etiam Ægyptiacis, periculosissimum quodlibet significat. Pluribus de ipsius Anatome & Historiâ, ad præsens institutum non pertinentibus omissis, unum ex utrâque maxillæ superioris parte, ab ipsomet ortu obtinet aduncum dentem Viperæ, qui peculiari actione musculari, cum maxillæ superioris osse exteriori, antrorsum protruditur. Basi illius ossis affigitur vesicula flavo liquore plena, cui annectitur *ductulus* excretorius, fibris

musculosis, & in longum & in circulum protensis (a), munitus, quarum ope è vesiculâ exprimitur succus, ab acuto, & fistuloso dente in inflictum vulnus stillans. Tanquam mera salivalis materies, à quibusdam accipitur ille liquor (b) cumque absque ullo incommodo non gustatus duntaxat, deglutitusque pluries fuerit, sed sanguini etiam per aperta recenti vulnere vasa permixtus, hunc venenatum esse negant, & à solis iratæ Viperæ concitatis spiritibus, omnem symptomatum syndromen repetunt. Qui morsus Viperæ effectuum ætiologiam rimari voluerit, dentes partesque vicinas perscrutetur, hîc mali sedem, fontemque detegat. Quærenti verò, quænam sit talis veneni natura, à Viperâ demorsus inspiciendus proponatur. Acutè dolet pars læsa, incalescit & rubet, gangrenæ prænuntius succedit livor, vicinæ partes brevissimè intumescunt; his accedunt languor, totius corporis debilitas, pulsus celer, debilis tamen, & intermittens: convulsivos motus, frigidus comitatur sudor, supervenit icterus, depascens dolor regionem umbilicalem occupat: excitantur nausæ, biliosæque evomuntur materies. Quanquam autem periculi sit plenus Viperæ morsus, non tamen trucidat semper; citiùs aliquandò ocylusve apparent symptomata, & pro gradu quo cor & cerebrum virus penetravit, pro tempestatis, demorfi, mordentis, temperiei, sanguinis Diatheseos, victûs, aliorumque similibus ratione, plus vel minus exacerbantur. Sic explicabitur quomodo plura animalia post morsum spontè curata fuerint; quomodo semetipsum à Viperâ vulneratum, coram illustrissimâ Scientiarum Academiâ Parisiensi, intra breve tempus curaverit D. Charas. Non tamen absurdè concludam, mortem ostia pulsare, nisi remedia tempestivè adhibeantur. Sed quodnam medicamentum, tot & tantos compescet tumultus? Illud erit, quod & poros aperire, & sudoris beneficio, per patentia cutis ostiola, venenosam eliminare materiam poterit.

(a) MEAD. de Viperâ.

(b) D. CHARAS, Regiæ Scientiar. Academ. Socius.

QU A N Q U A M nemini accuratè nota sit , & perspicua veneni Viperini indoles , de eo tamen à posteriori , ratiocinari licet ; 1^o. Ex frigore morsum affligente , ex pulsû cum quâdam mollitie debilitato , affici fluida , injectoque succo deturbata inspissari , suspicandi locus est. Assertum confirmant biliosi vomitus , symptomaticus icterus , dolores abdominis ; 2^o. Genus nerveum affectum designant motus convulsivi. Quomodò autem excitantur ? quæstio sanè difficilis , & ex nervorum structurâ , cùm innotescet , facile forsàn , eruenda. In his curandis infinita propè à Neotericis instituta fuerunt experimenta. Notum est omnibus qui Viperas colligunt , Viperinâ axungiâ vulnere citò applicatâ , omnes ab hoc morso futuros eventus præverti ; hoc specificum laudibus effert clarissimus Anglus (a). Ferrum , ad eum caloris gradum qui vix tolerari potest calefactum , applicatumque parti , tanquam eximium in hoc morbo , comprobatumque experimentis remedium prædicat D. BOYLE. Apud Americanos , pulvere pyrio super parte demorsâ accenso ; apud Venatores Pictavienses , quarundam decoctione plantarum , levique partis læsæ scarificatione , nulla habetur præstantior Viperæ morsûs medela. Ab antiquioribus , Viperinæ partes coctæ , felicissimè exhibebantur. Tanquam certissimum antidotum ab Anglis celebratur oleum simplex Olivarum (b) , sed à viris spectatissimis in dubium revocatur hujuscè Pharmacî vis & energia. Ignis , *caustica* , ligaturæ , junctæque scarificationi cucurbitulæ , ut plurimùm adhibentur. Aqua Muriatica , spiritus Vini Camphoratus , aut spiritus Theriacalis , vulnere promptius scarificando , emplastroque vesicatorio cum Theriacâ , oleo Succini & Castorei simul mixtis obtegendo , calidè applicantur. In deligatione , vulnus oleo Scorpionum , Rutæ , Chamœmeli , balsamoque Peruviano illinitur. Curationem absolvunt Alexiphar-

(a) MEAD , Lib. de Venen. Anglic. p. 29.

(b) VATERUS , Dissertat. de novo Antidoto adversus Viperar. mors.

maca , diversæ præparationes Viperinæ , & omnia quæ cor ad celeriores vibrationes stimulando , naturæ conatum juvare poterunt. Hinc sudorifica , & cardiaca , poris aperiendis æqualiter habilia , promiscuè usurpantur. Nec silentio prætermittenda Theriaca , quæ ex suâ ad Venena omnia , imprimis verò morsus Viperarum efficaciâ , nomen obtinuit. Sed nullum Alkali volatili datur tutius , jucundius , certiusque remedium.

I V.

SAL volatile , omnium medicamentorum nobilissimum , spiritibus quibus turget sanguis analogum , hos recreat , reficit , & nisum , quo noxia quæque amoliri conantur , roborat , intimasque corporis partes subit celerrimè , occlusas venarum scaturigines , meatus cohærentes aperit , humores concretos dissolvit , noxiosque per corporis emunctoria eliminat. Pro diversâ vulnerum & injecti veneni ratione , quantitate , qualitate diversimodè vim suam exeret Sal volatile , nunc citius , nunc tardius , pro variâ succorum inspissatorum indole , pro vario inspissationis gradu , sed semper felicissimo cum successu , si statim & sæpiùs exhibeatur. Hujusce Pharmaci in eo casu virtutem nunquam satis commendandam demonstravit experientia , teste celeberrimo Bernardo DE JUSSIEU. Vir quidam , (*) Regium Professore unâ cum frequentissimis rei Herbariæ studiosis , in agris comitans , dum Angues venabatur , in Viperam , quam primâ facie Colubrum autumavit , fortuitò incidit. Hunc infelix heu ! ex unâ in alteram manum securus trans mittebat. Irâ ferox Anguis , occupat hanc morfu , lethiferamque eructat saniem , longis amplexibus alteram implicat , triplicique demum sauciat vulnere. Dolore , & intumescentiâ quæ saucios artus brevi occuparunt impulsus , undè doctrinam , hinc etiam malis medicinam quærit. Extremâ carpitur caudâ Serpens , & peritissimo defertur Magistro qui Viperam , non Colubrum pronuntiavit , nullâque relictâ morâ , alkali volatile liquidum , deinde sal volatile , intùs & extùs adhibuit. [Quamvis citissimè appositum fuisset remedium , gravissima nihilomi-

(*) Mensè Jul. ann. 1747.

nus exorta sunt symptomata. Brachia subitaneo tumore, horrendam in magnitudinem assurgunt, undè ligaturæ ex consilio cujusdam primùm admotæ, solvuntur. Nauseæ vehementes, nec non animi deliquia accedunt. Quo pernoctandum erat, ægrum recto tramite tres deduxerunt Philiatři, & Alkali volatile guttatim in vino mixtum, sæpè sæpiùs propinandum exhibebant. Lecto compositus, jusculum, cui Alkali volatile adjunxerunt, sorbuit, & paulò post, delirio levi & ciborum ingestorum vomitu correptus est. Ad dolores & torpores in brachiis levandos, vulnera, & partes inflatæ, oleo Olivarum, & sale Armoniacali, hâc nocte sæpiùs illita fuerunt. Demum post largos sudores meliùs se habuit ægrotans, & sex horis elapsis ita convaluit, ut postridiè, arva nobiscum, primâ luce petierit. Per plures deindè dies extùs repetito sæpiùs illitu, intùs sale volatili usus est. Æquè salubriter, eodem ferè processu, pari casu, adhibuit spiritum volatilem Viperæ, Doctor Medicus D. Y V O N, qui supradicti eventûs testis fuerat.

V.

EXU L E T ergò tanta medicamentorum sylva, quâ nihil ad distinendam ægrotantium salutem, & ad Praxeos rationalis, & efficacis incrementum remorandum deterius inveniri potest (a). Ad pauciores selectorum numerum redigatur innumerabilis apparatus. A curatorie methodi simplicitate, curati securitas (b). Per multis & compositis indicationibus, sæpiùs pauca & simplicia sufficiunt medicamenta. Eò salubrius est Pharmacum, quòd plurium & valdè compositorum vires in se solo contineat. Alkali volatile, tenuissimis suis & valdè perniciousis particulis, exiles canaliculos facillè permeat, naturæ laboranti juvamen affert; si quid inest liquoribus, tenax, viscidum, ac solidorum oscillationibus inobediens, illud alkalium ope totidem cuneorum instar dividitur, atteritur, comminuitur. In fibrarum elatere, & liquorum fluxilitate restituendis, præcipua

(a) HOFFMAN. Med. rat. System. Tom. 3. Sect. 2. Cap. 3.

(b) Theses D. LE THIEULLIER.

hujus morsûs curatio versatur. Hæc omnia alkali volatilis usu assequeris : partes solidas quas præterlabuntur fluida, ad motum excitat, actuosus particulis sanguinem exagitat, & dissolvit, vasorum Systolen adauget, Diaphoresim promovet, & sudores. Forsân objicies, sanguinem in patellâ effusum, ab alkalibus pluribus tùm fixis, tùm volatilibus oleosis inspissari (c), sed hic effectus, ex aërearum partium miscelâ oriri potest. An calorem quo pollet hocce medicamentum, noxium supponeres? Nonne semina quædam, & fructus nonnulli, acrius os afficiunt, & tamen salubre sanguinis fervori frænum injiciunt; sic semen Cardamomi, mastîcatum, calido licet donetur sapore, sitim nihilominus, in ore ipso salubriter extinguit. Quid plura? Hujus medicamenti vim asserit experientia, quapropter ne dubites concludere :

(c) Chym. BOHERAAV. Tom. 2. p. 239.

Ergò Specificum Viperæ morsûs Antidotum, Alkali volatile.

DOMINI DOCTORES DISPUTATURI.

M. Ludovicus - Guillelmus le Monnier, Consiliarius Medicus Regis ordinarius, Regi- que Nosocomii San Germani- in-Layâ, Regiarumque Fran- ciæ, Londinensis ac Beroli- nensis Academiarum Socius.	M. Gedeon de Rabours.	M. David Vasse.
M. Josephus Exuperius Bertin, Actûs Præses.	M. Laurentius Ferret.	M. Andreas-Josephus Seron.
M. Carolus Dionis.	M. Joannes-Jacobus Belle- teste.	M. Thomas - Renatus Gaf- nier.

Proponebat Parisiis JOANNES - FRANCISCUS - CLEMENS MORAND, Parisinus, Saluberrimæ Facultatis Medicinæ Parisiensis Baccalaureus, A. R. S. H. 1749, à sextâ ad meridiem.

Typis QUILLAU, Universitatis & Facultatis Medicinæ Typographi, 1749.

